

զերծաւ 'ի Կոստանդինուպօլիս : Ժամ էր Սիւնհոդոսին Արիոսականաց երթալ, ըստ յանձն արարելոյ Կայսեր , յերուսաղէմ 'ի նաւակատիւս եկեղեցւոյն Ս . Յարութեան : Յետ այնքան անամօթութեանցն մատեան Եւսեբեանք 'ի գերեզման Տեառն , ընդ որս էր և Մաքսիմոս եպիսկոպոս տեղւոյն : Իբրև կատարեցաւ օրհնութիւն նաւակատեացն , անդ ընկալան զԱրիոս 'ի հաղորդութիւն Եկեղեցւոյ , եւ առաքելին թուղթ սիւնհոդոսական առ եկեղեցին Աղէքսանդրացւոց՝ թէ արդար գտաւ Արիոս և ուղիղ գաւառութեամբ , եւ ոչ պատկառեցին իսկ ասել , թէ յորդորեալք 'ի բանից Կայսեր ընկալան զԱրիոս : Սակայն փութով եհաա անդ հրաման Կայսեր , և փութացուցանէր ըզսիւնհոդոսն գալ 'ի Կոստանդինուպօլիս : Ամբաստանեալ Աթանաս յԵւսեբեանց աքսորեցաւ . և իրբև կամէին մոծանել զԱրիոս չքով մեծաւ և ամբօխի յեկեղեցի , որպէս մոծինն յերուսաղէմ , սատակեցաւ 'ի ճանապարհին 'ի գարշելիսն իւր , եւ այս յաւէտ աղօթիւք Ս . Յակոբայ Մծբնայ Հայրապետին , որ յայնժամ 'ի քաղաքին դիպեցաւ (336) :

Յետ այնորիկ վախճանեցաւ և Կայսրն Կոստանդիանոս յաւուր Պէնտէկոստէից (22 Մայիս . 337) 'ի հասակի 64 ամաց , և թաղեցաւ 'ի Կայսերական շիրմին 'ի գաւթի անդ եկեղեցւոյ Առաքելոցն :

Այլ յաղագս մկրտութեան Կոստանդիանոսի՝ խնդիր է 'ի նախնի և արդի մատենագիրս . զի Ագաթանդեղոս , Խորենացի , և այլ տոհմային Պատմագիրք՝ աւանդեն թէ նա 'ի սկզբան հաւատալն 'ի Քրիստոս մկրտեցաւ 'ի Սեղբեստըրոսէ եպիսկոպոսէն Հռոմայ : Իսկ այլք յառաջ բերեն թէ Կայսրն ցանկացեալ էր մկրտիլ 'ի Յորդանան , սակայն ոչ ժամանեաց այնմ , այլ ընկալաւ զայն յԵւսեբեայ Նիկոմիդացւոյ , որ էր դրոշակակիր Արիանոսաց՝ եւ այն մերձ 'ի վախճանի իւրոյ . և այսպէս 'ի բազմանալ վիճմանց , խնդիրն մնաց կնճռոտ և անլուծանելի : Սակայն Քրիստոնեայք , մանաւանդ ուխտաւորք Երուսաղէմի՝ ոչ միայն յառաջին դարսն ցանկային մկրտիլ 'ի Յորդանան , այլ և նոյն սովորութիւն պահեցաւ եւ յապագայ ժամանակի . ոչ միայն ուխտաւորք Յունաց առնէին զայս , այլ և Հայոց . որպէս